

Jakes Abeberri Abertzaleen Batasuneko zerrendaburua izanen da heldu den martxoaren 15ean Ipar Euskal Herrian eginen diren hauteskundeetan. Abertzale guztien arteko batasuna lortu nahi bazuen ere, azkenean Eusko Alkartasunarekin

JAKES ABEBERRI

ABERTZALEEN BATASUNEKO ZERRENDABURUA

Xabier Arzalluzekin ere bildu baitzen horretarako.

akordioa lorturik «zerrenda abertzale bakarria» dela azaldu du. Aitzitik, ez-abertzale gisa aurkeztuko den EAJrekin akordiorik ez dute lortu ahal izan. Saiatu, sailtu zen,

«Arzalluzek independentista dela erran zidan lehen-lehenik»

Hilabete batzuk isilean gorde ondoren, Abertzaleen Batasunak EAJrekin izandako harremanetan, Abeberri berak Xabier Arzalluz EAJko EBBko buruarekin izan zuen bilera izan du hizpide.

■ Xabier Arzalluzekin izan zinen? Zergatik?

Iparraldeko Eusko Alkartasunarekin eta Euzko Alderdi Jeltzalearekin

negoziaiketetan ari ginela izan nintzen bere ikusterat joan den irailean, batasuna helburu. Nik ez nion inori deus galdetu, baina lagun ditudan Antton Lafont Merkataritza Ganbarako zuzendari ohiak eta Xabier Albistur Donostiako alkate ohi eta egungo diputatuak galdegini izan nintzen berarekin. Argi eta garbi erran zidaten EAJk egitura federala bazuen ere, lider bat bazutela eta haren ikustera joan behariko nuela. Xabier Arzalluz Euzkadi Buru Batzarreko lehendakariarekin mintzatzeraz joaten ez banintzen ez nuela deus lortuko konpreniarazi zidaten. Onartu nuen, baina baldintza batekin, ez buruz buruko bilkura izatea, lekukoekin baizik. Beraz, Lafont eta Albisturrek bilkura antolatuzuten, eta nirekin batera izan ziren Arzalluzen ikusten.

■ Zer erran zenioten elkarri?

Gure desmartzaren zentzuari eta ongi ezagutzen duen Iparraldeko abertzaletasunaren egoerari buruz mintzatu nintzaion. Iparraldean abertzaleok jadanik ez gaude la ghetto-an, baina, hala ere, gutiengoak garelako erran nion. Oro har, estrategia bakarria dagoela Ipar Euskal Herrian, edozein tendentziatakoa izanik ere. Denok ari gara herri hau berriz eraikitzen, izan dadin ikastola, gau eskola edo bertzelako egituretan. Inor ez da haustura lanik egiten ari. Denok bide bera darraigu, bakoitzak bere arloan lan eginez, baina martxa bera, azaldu nion. Iparraldean Hegoaldean bizi den egoerarik ez dagoela ohartarazi nuen. Han abertzaleak gehiengo dira, eta bi estrategia daude abertzaleen artean, elkarren kontra ari direnak bortizki. Batek estrategia erreformista du, Madrilekin arituz; eta bertzeak, aldiz, estrategia haustaileak, borroka modu ezberdinekin. Konfrontazio egoera hori ez da Iparraldean ageri, eta nonbait EAJk Iparralde-



Jakes Abeberri, Abertzaleen Batasunako hautagai eta Miarritzeko hautetsia.

BOB EDME

HEGOALDEA

Hegoaldean abertzaleak gehiengo dira, baina bi estrategia ezberdin daude abertzaleen artean, eta elkarren kontra ari dira bortizki. Hemen estrategia bakarria dago eta denok martxa bera daramagu.

an Hegoaldean duten abertzaleen arteko egoera gatazkatsu hori ekarri nahi duen oso beldur gara. Eskerrak ahal dugun guztia egiten dugula horretaz babesteko. Hemen denak ados gaude denak elkarrekin lan egiteko, ez dugu konfrontazio hori onartuko. Horixe esplikatu nion.

■ Eta berak zer erran zizun?

Iparraldeko egoeraz eta Abertzaleen Batasunaz mintzatu ondoan, Arzalluzek erran zidan lehen gauza «Jacques, je suis un in-dé-pen-dan-tiste» izan zen, independentista hitza ongi markatuz. Pertsona batek ez dezakeela bere izaera abertzalea gorde erran zidan. Hala ere, EAJren

funtzionamendua hobeki ezagutu behar nuela gehitu zidan, eta egitura federala izanik Ipar Buru Batzarra bere buruaren jabe dela erran zidan, eta berak ez duela deus erratekorik. Azken finean, IBBkoak egiten duten oro babesteko prest dagoela ulertarazi zidan. Baina, nire ustez, Arzalluzek egiteko erranen diena besterik ez dute egiten IBBkoek.

■ Beraz, nola uler daiteke Iparraldeko EAJren egoera?

Lehenik azpimarratu beharra dago Abertzaleen Batasunak ekimen unitarioa izan duela. ABk eskualde hauteskundeetarako izendatu ninduen bezain laster, inizatiba hartu genuen EA eta EAJ jendearengana joateko. Orduan pentsatzen genuen, eta egun ere hala pentsatzen dugu, abertzaleok gure artean sentsibiltate ezberdinak baditugu ere, Iparralde bezalako eremuan gutiengoak izanik, dena egiteko dugula. Gainera, iritzi publikoak, guti gorabehera denak berdintsu ikusten gaitu, alde bateko edo bertzeko. Egia erran, alderdi ezberdinetan egonik ere, abertzaleek egiten eta diogunaren %95ean bat gatoz. Gisa horretan, batasunerako indar hori abertzaleen aurrerapenaren egiazko batendako oinarria izanen zela pentsatu genuen. Baina geroak

SABINO ARANA

Euskal Herriko historiaren parte garrantzitsu bat eta beren sortzailea izan den Sabino Arana Goiri bera ukatzen dute. Izan ere, mugimendu abertzaleak berak sortu edo asmatu zuen.

erakutsi digun bezala, negoziaketa oro moztu nahi zuen EAJren aitzinean aurkitu ginen. Ezartzen zituen baldintzak jakin bazekien batasunerako ezin zirela eta zatiketarako aitzakia bertzerik ez zirela. Bortizkeriari buruz testu batzuk landu genituen alde batekook eta bertzekook, eta EAren eta gure artean adostasun batera heltzeko xedea agertu zen. EAJren aldetik, berriz, ez zen inolako borondaterik izan, eta ez zuten kaketx bat ere aldatu nahi izan.

Egun, EAJk norabide ezberdina hartu du, baina ez da bere logikaren azken muturreraino joan, zerrenda bat aurkeztu ordez bertze izen bat duen

zerrenda sustengatzen baitu. Pentsatzen du tarte elektoral berri bat dagoela, orain dela hainbat urte egon zen gisara Labeguerieren inguruan, horregatik abertzale izaerari uko egiten dio. Abertzale izaerak konnotazio separatista omen. Ez dut ulertzen nola izan daitekeen independentista abertzalea izan gabe. Nire ustez tarte berri hori ez dago. Honek gogoeta bat merezi du, eskualde hauteskundeetarik haraindi doana. Are gehiago, Euskal Herriko historiaren parte garrantzitsu bat eta beren sortzailea izan den Sabino Arana Goiri bera ukatzen dute. Izan ere, mugimendu abertzaleak berak sortu edo asmatu zuen. Nire buruari galdegiten diot desmartz horren errealtateaz, ez dakit zer dagoen atzean. Gainera, epe motzeko programari dagokionez gure programarekin bat egiten dute alde batetik, berek ere Euskal Departamendua eta euskararen ezagutza galdegiten baitute. Baina bestalde, orain arte Euskal Departamenduari eta Euskal Laborantza Ganbararen aurka diren FDSEA laborari sindikatuko buruekin bat egin dute. Beraz, ez dago argi zer helbururekin osatu duten zerrenda, eta dolu zait batasunik ez izatea. Aitzitik, argi eta garbi dago gurea dela zerrenda abertzale bakarria.

■ Eusko Alkartasunarekin izandako akordioak etorkizunean luzapenik izan dezake?

Egun, hauteskunde akordio bat da. Baina historia egunero idazten da, eta ez da teorikoa, praktikoa baizik. Elkarrekin egiten ari garen kanpainak askoren jarrera alda dezakeela uste dut, eta elkarri egiten dizkiogun kartzaturak desagertaraziko ditu. Manex Pagola, Piarres Xarriton eta Txomin Peillenen sustengutzaileekin, bertzeak bertze, etorkizuneko kontsentsua eraikitzen ari gara. Abertzaleen Batasunak abertzaleak biltzen jakin du, eta Eusko Alkartasunarekin batera, egunero ikastoletan, kooperatibismoan, laborantzan, Hemen Herrikoan edo bertze egituretan lanean ari direnak bildu ditugu. Zerrendako kideei begiratu, gainera, argi eta garbi islatzen da abertzaleen egungo errealtatea, ikasle, enpresaburu, pilotari zein langileak gurekin baititugu.